

四庫全書

集部

欽定四庫全書

御製詩二集卷六十六

古今體一百九首

丁丑一

丁丑元旦

應候土牛稟歲辰
早先三五報新寅

十五日戊寅
立春正月節

春歸

與物欣舒曼
地闢流沙願靖塵
閭闔九重開
詠蕩共球
百辟會臣鄰
垂衣日久心
彌敬首祚行
時切體仁

元旦試筆

喜聲瑞氣遍皇州
春旭先輝北闕樓
交泰三陽肇義象
欽時五福協箕疇
詔書寬大銜金鳳
歲德耕耘利土牛
日勵自心強不息
敬

天勤政又從頭

端門五雉啓昭蘇
拜舞彤墀百辟趨
玉琯調元欽

昊緯金甌卜世永
皇圖再巡南國頻
頒惠佇俟西師早
獻俘息事寧人繫
本願久安長治敢
忘謨

乾清宮小宴諸王
即席得句

紫鳳迴春歲，簫調乾清嘉會慶。三朝化民政，要先敦族行。葦歌聲並頌，椒共祝康年。遍寰宇，端知和氣靄宮寮。本支百世，縣瓜硤景福如川。御正饒。

正月二日降旨免江浙積欠詩以喻志

始和布寬大，頻年率例行。茲當巡東南，酌彼望幸情。辛未縱蠲豁，寒暑六歲更。況復屢遭歉，溝壑哀鴻鳴。賑賙救一時，賦稅有常程。災重乃蠲租，其輕則緩征。積少因成多數累，巨萬盈催逋。民奚堪是宜，一免清長吏。詎政

拙間閭寧畱羸指日澤國臨吾將省春耕

溫牡丹

粧麗鼠姑芽春屏色暎嘉特教先夏令真合是唐花頃
刻舒繁蕊烟煨醉艷霞奪天工巧者胡不藝素麻

毛益牧牛圖

老特前行隨小犢情雖不舐也相關甫田雨足耕犁罷
春草如波縱斷閒

戴嵩聞說藝神絕童子居然在兩睛脫殼安能容對照

廣川別解詞精評

正月二日小宴廷臣

白獸依元日璚筵會九賓屬當資始候同是亮功人欣
舉觴浮柏休誇脯擘麟盈庭漫稱頌一意更猷詢勤遠
戒應凜寧遐道底臻張皇申撻伐奔走厯臣鄰酒醴今
朝饗苦甘多士均惟期靖醜逆凱宴繼斯陳
時厄魯特
叛黨弗靖
諸臣皆令與宴

賦得文木八韻

木有脫其皮枯其津理片片不相傳賴兩端囫圇
以全者蓋數千年上物矣藏之內府不記何所來
名曰文木而系以詩

曲直何年木澄觀表裏通紐紋纏左右脉理透玲瓏鱗
蛻惟存骨神充未渙躬滄桑閱今古枝葉謝龍葱牛蔽
寧同櫟琴裁豈似桐伐柯則已遠炙轂辯應窮不辨檜
松質真成內外空設如擬鳴雁轉覺彼心蓬

題趙孟堅水仙二絕

清泉照影澹無痕白石為隣態共騫紀異無須道河伯
傳神端許擅王孫

屈子行吟湘水濱楚人擬說水仙人離騷讀盡無名字
應是難為自寫真

出師

出師在何所仍在西北荒渠魁既未獲醜逆因跳梁留
處軍原寡計月輸餼糧協力剪渠羽中路乃乖張反戈
忽內向百騎曾奚當

噶爾藏多爾濟報將軍兆惠以巴雅爾捨擄人畜請發兵協力共勦

兆惠因遣將軍和起調扎納噶爾卜等諸部落協擒巴雅爾而扎納噶爾卜哈薩克錫拉等中變和起所率兵僅百餘人以衆寡不敵遇害

犯臺奪軍食遂致大獫狁迴思去年來

飢賑亂與康誰知煦嫗恩不足懷豺狼我直彼則曲六

師宜張皇以正討兇亂言順氣倍強勁卒簡子弟召募

非編氓

叶

儲胥發帑項賦役非加常其間或雇賃仍令

計價償究不無勞民寬賦頒十行內安外易攘逆靖順

受慶丙夜籌軍機九微對燭光宴樂弗耽盤救寧期久

長出師匪得已永言示大方

詠白鷹

科爾沁達爾漢親王策旺諾爾布所進命郎世寧
圖之並成是詩

蒼固其恒耳素誠罕遇之底須悲易染真可用為儀祥
擬葛家語靈方班氏詩亦當想凌厲其柰絆環羈

題照盆孩兒圖

呼來却弗應顧時鎮相視扶盆問水中汝是誰家子
相共揶揄嬉似與周旋慣道是影非真誰知形亦幻

肖貌劉家法

畫品有劉宗道照盆孩兒圖

形容高氏詩

高季迪有題戲嬰圖詩

最憐玉筍種盡是撐龍兒

新正重華宮侍

皇太后宴

安輿迓中禁綵服引諸孫春酒介

眉壽華鐙先

去聲

上元韶光融瑣闥和氣霽微垣柏葉千

齡願長承

色笑恩

詠龍泉盤子

乾隆二十年五月平定伊犁其明年侍衛哈青阿
自軍營歸携古瓷盤一云得之吐魯蕃蓋宋龍泉
窯也回人掘地而出以盛乳潼則夏不敗哈青阿
以幣易之宋時其地為遼夏所隔不應達彼元世
祖平西北二百餘國疆索最廣是物流傳當在其
時沙塞沉埋五百餘載今遠人內面入我陶鈞襲
而藏之用示柔遠

盤子龍泉釉陶成修內司何年歸絕域經歲翳沙陂飽
識羶漿味寧無故土思李陵儼人也相較不如伊

題錢維城山水

竹迳參差外春山澹沱時試觀皆迥句幾許措微思新
漲成波細輕烟泮曉遲祇疑幽絕處尚有許多奇

新正瀛臺

春到皇州始臺臨禁苑西暖將融翡翠凍欲解上聲玻瓈
盆雪梅彈萼隄烟柳吐稊假山如讀畫生意解去聲供題

藻績呈窻綺花牋拂几綈行將命春駕澤國慰來後

聽鴻樓

太液輕冰未解池候惟北矣到來遲高樓試可如斯聽
春色何妨許共知

同豫軒得句

因迥為高得軒榭蜃窻俯處見閭閻對時育物恒闕切
士習民風藉驗覘春色滿皇州入詠後樂以天下同欣
心殷保泰戒鳴豫周易分明註福謙

春耦齋

行春得餘暇小憇臨春耦舉趾彼尚遲于耜吾何有不
可無此意以身先去聲黔首華鐙懸綺綴麗景羅菱牖所
樂詎在茲康年冀施厚

新春小宴外藩

南巡將啟駕西苑預開筵節景迎元夜恩波例往年情
聯新舊客春在鳳凰絃章黻彬儀度誰云表是瓊

叛孽適倖至儔前細鞠情

青滾雜卜本和托灰特貝勒
世受恩育去歲北路從征中

道叛歸騰布誇言欲煽動諸喀爾喀朕命親王成家扎布將兵討擒是日俘至即于宴次鞠其罪狀以示諸外藩明與衆設如不跋扈一例被恩榮極典伊誰取園觀棄之之義

衆莫驚各其勤職守彰瘡有權衡

悅心殿

初歲餘閒廣殿臨仙壺韶景遞侵尋梅含喜色舒昌蕊鳥漸能言弄好音勝展綺屏御人日雲籠瓊島正春陰便希六出瑤林綴此外無他悅我心

雪

正月五日

臘雪微逢望霈霑瑞霽入夜勢方添光連冰蕊輝金菱
片雜銀蛾撲玉檐三白乍欣祥卜歲一鈎無礙彩韜蟾
不眠詎為耽燈景慰在農田韻喜拈

命丁觀鵬倣顧愷之洛神圖成即用題顧元韻得
句

見說後生畏誰云前藝空神傳期阿堵目送易歸鴻詎
在依形肖堪稱積健雄緬懷八斗韻三百有遺風

人日

泰運三陽會復來七日同乃知四時首不外一心中雪
後條風嫩春初綺旭融體仁繫我責茂對勵斯衷

詣齋宮作

鳳闈雪霽逗餘寒十二紅樓玉裏看富矣教之言似易
泰來保合道誠難民依卜度徐移輦

天監昭垂敬視壇精室退居益欽若明當

祈歲志遑安

上辛

祈穀禮成述事

帝燭熒煌翡翠釭雲和迭奏玉金掇

祈年每厯歲豐歉勤政敢論日隼雙希聖皇風奠西海
行敷化雨省南邦敬之惕若冰淵凜無易由言致駿厖
降旨免甘肅本年額賦並積欠詩以誌事

西陲兵未罷戡亂非得已儲胥發官帑詎肯征閭里究
之出諸民豈如無事美去年縱蠲賦今復新正矣地瘠
貧民良施恩宜在此正供與全豁寬心勤耒耜積欠免

歷年奚用愁留抵靖外先安內化日春風裏

理趣

目力所見處耳聞不能到隔窻人語聞耳力目弗照聞
性近而沉外物弗能搖見性遠而浮一指當前拗曰見
不如聞聞遠知何調曰聞不如見見近蔽空眊此拙彼
則信理趣符道要

韓幹明皇試馬圖

烏雲一朶簇銀蹄畫肉還看世鮮齊底識明皇親試馬

宣和餘得瘦金題

詠漢玉章

儷駢荆國璞中寶揖讓蘭臺傳裏人可考靖王因閱代
獨嘉循吏為安民琢磨無蹟渾然古朱白分明煥若新
抑此累累留氏者幾何人作翰筵珍

王蒙南屏山居圖

雲表層峰荷葉皺南屏翠色鎮如新詎嫌鐵筵為生客
卷尾有鐵筵道人題句後跋云當乘興造蘭所母曰生客未覺山樵作古人窓下展

書消甲子林間安竈守庚申衡門自有棲遲樂何問披
裘與艾薪

恭奉

皇太后南巡啟蹕京師疊幸未舊作韻

有序

疆圉肇歲正條風應律之初太簇開陽協始和行
慶之候爰諏令旦再舉南巡溯前度之遊歌星周
六稔奉

安輿而蒞止路指三吳翠羽金支掖

輦長依愛日黃童白叟迎鑾更慶瞻雲問俗觀風顧問
閭而求瘼敷膏布澤異井里之蒙庥舊韻重賡七

言述志

澤國省耕紀憶辛山川韶秀信無倫前秋適值逢災歉

昨歲因之罷豫巡

前降旨丙歲南巡以
乙亥江浙秋澇停止

索籥轉旋農慶

稔黔黎籲請志重申肆鳴帝里和鑾駕一慰江干望幸

民再奉

安輿出長樂徐遵廣陌衛勾陳青郊喜見餘晴雪綠麥

行看發始春淑氣眼前

天與盜詩情馬首日迎新乘時展義非無事敢廢軍書

決裁頻

時準夷酋長巴雅爾等構釁命將擒討西北兩路軍書令其直達行在

駐蹕良鄉行宮作

青旂練吉拍姑胥元氣憑看果復諸五載狩巡方過一
三春景物恰臨初明窓溫席清依永昔日今時靜賞餘
到處棲遲有行館兩言慙愧是懷居

月

過弦輪漸圓先節光偏耿燈事且遲遲紙窓照清迥大
野寂人聲虛庭散松影斯景常在斯相值意為永

良鄉行宮疊舊作韻

首頓庭軒近帝里長途車騎指胥江不遷者問伊誰是
風在寒檐月在窓

欲悉災餘耕織勞南巡詎為事清遨江山秀亦天然助
頗覺遙飛興已豪

邇來頗有南來者都道羣黎望幸情然乎疑信吾猶半

信者吾衷保赤誠

塔影凌空曠野南節前古月正清酣奉

慈兼欲同民樂趙北燈宵即景探

辛未南巡十三日起程故即在此陳燈火

今歲以十一日起程命於十四日趙北口侍皇太后賞燈並許民同觀也

弘恩寺二首

蘭若康衢側往來路必經松門宛舊識蓮梵亦堪聽佛
豈較今昔物皆肖色形東軒更幽絕片刻為延停

蓮社傳清派精修奉羣提

羣提華言律戒也

操戈渾一室豎拂

斥多蹊誰是忘懷者徒成著我分莊嚴斯信好可以覺
凡迷

琉璃河

東風解凍春波泱長橋飲練將百丈雁齒枕陸接石衢
中流曾無十尺廣徒勞人力此胡為勝朝遺蹟得諮訪
叶權璫柔梓乃在茲春秋祭掃常來往有司畏勢為修
塗葆蓋穩驅平似掌柅人凶餒一至此朱家宗社將奚
仗適來固節度鹽溝架木吾猶發官帑守閭豈得盡廢

斯惕然以懼
睪然想

涿州行宮作

練吉巡江國重臨
凹字城軒楹無藻飾
几席有餘清興
與新春發心依古月明
金吾何必禁爆竹喜聲聲

漢昭烈廟

春秋氏族著承堯
嗣服中山硃派昭
鼎一足三成帝業
牛黃腹白應童謠
欲信大義心資亮
還定全秦志類蕭
千載樓桑尚遺恨
其如安樂自逍遙

涿鹿行再疊舊韻

影燈喜爆鬧郡城民風豐歉覘經行行宮晚景正清絕
壁詩歲月標分明西征士騰馬亦飽機緣

天湊時誠好其如審勢乏人為

西師所至仰蒙佑可刻日廓清而統兵

天

諸臣各分彼此致失機宜

狼子野心殊詭巧降蕃變亂因畏尤

阿睦爾撒

納巴雅爾等皆因受恩驕恣自罪狀暴著懼罹誅討遂決計叛亂

反面不顧恩遇稠聲

罪致討重整旅肯使偕德殘生留七擒南人不復反三
年克之鬼方收身此南巡心西海宵衣寧憚軍書修

督亢陂攬古

督亢廣衍舊膏腴計使荆軻獻地圖持短入長奚濟事
害成延禍竟亡軀馬遷作史失辭駁劉向傳經具政模
引水開田言則易推行得當竟誰乎

新城道中雜詠

界河

匹夫信義猶當重況在堂堂萬乘君一水分疆界遼宋
渝盟何恠致金軍

紫泉河

澄渟曲注皎然清千載如斯天一生何事相傳中夕變
至今留得紫泉名

昇仙橋

賣藥橋頭不識名平明飛去上瑤京列仙傳大都如是
徵實曾無一箇誠

觀射臺

淳化當年此北巡閱強弩射鐵林軍寧知後世浸微弱

五國淒涼泣朔雲

開善寺

藤胎俯仰八金剛
聞道形傳道子唐
不及趙州文武水
至今功德浴空王

二忠祠

倉卒捐軀寧詎易

張叔夜

從容盡命信為難

文天祥

二忠俎

豆千秋烈古柏森森白日寒

再詠紫泉行宮十景

敞軒

一區十畝縣城陬
密室敞軒各得宜
路便重臨風日好
吾心與物共春熙

屏山

門迳縈紆足幽趣
一拳亦自得稱屏
設如真展瀟湘畫
翻厭施丹與著青

鏡湖

去年波影開奩澹
今日冰光照座新
可識凍融何礙鏡

往來都是鏡中人

舫室

重宇湖心還號舫層層疊石固階基載舟得託常安穩
吾亦因之悟所宜

樓亭

樓崖一笠祇容身滿受春風迥出塵設擬應真留下物
能叅背觸又何人

虹橋

朱欄詰屈不嫌長勢作垂虹飲練光天水心情斯小試
遄飛興早到維揚

魚罾

未出輕條凍尚凝不教綴景設魚罾當春生養資涵煦
育物吾心別有憑

石徑

豎峯曲棧致多佳屨步因之到竹齋却是小窻堪望遠
邨居野幕入觀皆

竹埭

琅玕幾不得天然便擬坡仙與懶仙
此去雲棲幽絕處明知萬玉憂晴烟

箭廳

悅心惟是勵無逸觀德端知重
有方駐輦恒因試弧矢
象平武備詎宜忘

雁

春歸將及月雁到恰乘時
旅景行行閱化工物物知北

南曾底異來往亦奚為三策何嘗讀靈通陽則隨

趙北口行宮三首

萬柳隄臨淀熏黃未發青渚宮實瀟灑節夕此居停大吏陳烟火勤民豈政經屬緣奉

慈豫不罷且權聽

西窓猶納遠遊目每教憑春氣怡還裊冰光融間凝雁迴欣翼接魚陟乍鱗矜遙浦村民集待看入夜燈

魚釜還蟹斷生計淀村俱那藉名家畫真披漁樂圖波

將暖鷗鷺洲未長菰蒲正助萌陽候因之罷水虞

命免天津府所屬積欠詩以示直隸總督方觀承

去歲秋告登編氓鮮逋賦今春駕南巡免三逮經路

南巡

經過直隸州縣今歲應徵正供免十之三津門近海濱下溼多沮洳積欠非

一朝致然豈無故與民樂休息保赤吾衷素新恩所不

及曲體惟要務帑則免其徵糧亦豁其輸間閭留有餘

是豈非歲富叶長官善推行莫容胥吏蠹

上元前夕趙北口行宮侍

皇太后觀燈火即席得句

晚來風定紫瀾收預夕承

歡樂事稠座裏同欣上元節渚邊亦有慶霄樓垂虹百
道連冰朗結皛千葩映雪留箭影飛空數無萬作朋
慈壽祝添籌

趙北口行宮觀燈同扈蹕儒臣聯句

御製上行慶奉

慈帷節物承

歡是處宜東海乍看擁寶鬘

西崑恰值敞

瑤池野舍瑞氣融晴雪樹挹芳烟散晚炊蹕路駕鸞皆

吐耀

臣蔣溥

和門草木總涵滋祥凝夜色浮三疊香

泛春風達九達曲渚雁回聞遠響

臣汪由敦

御製新漪魚陟動流澌萬民同樂聊云可大吏鋪觀太爾

為于薦寧忘歌即景

栢梁且喜讌成詩卿雲馥郁當樓護鸞尾歲綈拂

鏡窺雙楔霞標湖畔擢

臣秦蕙田

三橋虹影坐間垂光

收月窟應無敵捷奏天山信有斯煜煜金床函舍

利

臣劉綸

御製

晶晶玉宇界琉璃候臨解凍陳冰戲輪到元宵碾漢

遲一綫紫烟輝萬象

半空碧彩漾全規青猊白象環

仙闕西溱南油燦

御墀妙靄續絃蹲爵馬

臣介福

迴波宛轉躍蛟螭風前蛾

開爭呈幻淵底驪眠獨探奇詎羨廣陵推法善

臣夢

麟

御製頓令潛室起馮夷燕南趙北春猶淺越角吳根景遞

披列缺施鞭龍啟蟄

伶倫叶管鳳來儀高檠茁茁旋搖日密炬艤艣曲

遶陂海藏迸開珠百琲

臣錢維城

湘簾紛綴錦千絲燭

銜暘谷炎官繖陣列昆陽赤羽麾激電疑投玉女

箭

臣錢汝誠

御製羅星似布井公碁鰲山蜃閣光無定瓊樹珠林影倒

移糕飮玉梁頌列席

果分丹荔佐行庖仙莊例放金吾禁良夕還紆銅

漏期宴是傳柑猶隔昔

臣蔣溥

花非剪綵實先時湧

來多寶定光塔採獻長生威喜芝灑地螢流囊熠

燿

臣汪由敦

御製拏雲蚪走甲之而漁村蟹舍皆呈照下里陽阿許共

嬉茅屋寧無向隅者

衢尊不啻與斟之觀酺咸快昌辰洽給復頻邀

沛澤施化浹華胥扶壽耆

臣秦蒧田

歡騰瀛鄩舞童兒早聽

菱鏡蜚佳語幸擘桃箋繼

睿詞三五韶華酌勝賞

臣劉綸

御製

十千豐稔慰嘉師紙簽粉米羣徵吉江硯宣毫共選

躋真見文昌輝八座

同欽

華蓋煥重離纖條解聽遊清沼櫪馬無喧立絳旗鼓瑟

吹笙鳴樂愜

臣介福

依蒲在藻荷

恩私唐昌夢蕊寧方此宣德神仙詎較茲遍插柳條沿

楚岸

臣夢麟

御製待催梅信過江湄律回黍谷方彌月鷄踏金蓮條萬
枝帝里輜軒應蓼擾

皇衢燈火想茆虎松盆戶戶燒蘭會竹榼人人鬪酒持

閣上青藜明綈案

臣錢維城

陌頭白粥賽田祠無邊好

景迎年麗有脚陽春傍

輦隨虞陛揮絃仰

庸作

臣錢汝誠

御製周庭燃燎問何其篆成翠火

鴻禧祝簪集華茵燕喜追好樂無荒昭古訓惟殷保泰
日孜孜

長隄

迤邐長隄度六驂詩中景趣畫中探七橋梯柳黃金嫩
兩淀融冰綠玉涵悅可水鄉經趙北早教春意遞江南

村民夾路尊親共富教難臻用此慙

上元節賜隨營諸臣食

五十吉行早駐蹕節朝賜食扈隨官琅霜粒妝頰羣座
星海魚龍舞七槃元夕所欣逢蹕路一家何處不長安
東風弗妬明蟾滿更待銀花入夜看

上元燈詞八首

燈景行營也自佳姮娥應節巧差排近村遠墅都呈照
白叟黃童與樂皆

和門傍晚輕輿出排當烟花一賞之原是金吾不禁夜
羽林警蹕爾何為

翠火匾成蒼頡字明星塔轉法王輪四時首卜四時吉
一歲燈加一歲新

節事元宵大吏供烟村兼可驗民風予心更有思維處
德秀歌工若與同

聲樂詎宣三百里遊觀惟值上元宵廣陵此去行行近
邨藉仙師駕綵橋

太乙輝光利照田舉頭初度玉輪圓含毫為憶前巡景
瞥眼流光又六年

年年嘉夜宴樓西東鰈瞻光接北靦今夕畿南景更好
紛來老幼許扶携

撒荔筵前燦九華祥烟郁作赤城霞鄒枚漫擬賡行帳
中外由來是處家

上元後夕觀燈

翼節月猶美韶春風正柔烟郊餘勝景蹕路暢清遊繼

照燈偏豔騰聲爆更稠錢家餘故事雖好不須酬

御苑燈
火例以

十三至燕九茲以巡狩祇令陳
節夕前後及燕九餘縣弗用

日日

日日迎鑾瞻就民百年休養此甿甿試看幼挈老扶者
盡是寒衣飢食倫庶矣能無絲粟貴教之何有俗風淳
從來保泰惟難事今日其難倍古人

河間道中雜詠

日華坊

請書獻樂甚彬彬華表千秋景行新令史諸侯傳曾讀
寗心許者是斯人

毛精壘

不藉金絲接正傳至今三百有餘篇張顛尚得太湖號
世傳旭為太湖精況是葩經授後賢

鳴犢河

洋洋瀆水播亭濱地豈名傳傳以人尼父迴車鳴犢殞
趙邦旋亦入強秦

琴高冢

列仙傳裏姓名論
生長琴高尚有村
既云赤鯉乘波去
安得人間馬鬣存

條侯祠

執堅持重等穰苴
細柳徐行為式車
可惜禍根埋取櫓
溫人所相始終如

廣川臺

三丈崇臺級幾層
董祠移自廣川曾
賢良築少即成誦

惟是施行慙未能

瀛州南樓三和沈佺期韻

何年廢重譙曠景澄烟霄修文揆鴻詞廢和何寥寥而

我三繼唱逸興飛清飈言巡江南境復過瀛西橋

瀛西第三

橋為往來通衢

愛此詩書邦文獻誠非遙覲光來老幼寧厭騰

塵囂如傷周王懷為度夏代謠

輕陰

輕陰旋作晴憑與多惜情此郡冬雪微白沙隨風生憶

我辛未歲過此飄六霏火蛾鬪冰花節景真祥亨上元
則已度燕九行將迎瑞葉宜及時塋麥猶未萌英英晚
來重企望巡檐楹

讀史記文帝紀

文帝信云仁清靜以為治惻隱除肉刑民租每蠲賜此
已足千古史貴傳正義而何司馬遷博載失精粹如云
慎夫人衣乃不曳地設誠敦朴儉銅山又何謂張武受
金錢加賞使心愧痺惡盡若斯尚庶誰則勵觀其任復

土母乃有深意慨然歎史難寧云責賢備

紅杏園再疊前韻

練日巡江國乘春發鳳輦昨歲告武成憶曾于斯館豈

知馳捷旌詭計事後顯

去歲以伊犁底定親告孔林起鑾時擒獲阿睦爾撒納之報

適至閱數日乃知叛賊誑言以懈衆志統軍者不審其謬遂馳露布久之屢失機宜迄未擒賊因正軍帥之罪

云三軍賴司命一籌何莫展選將更整旅問罪王師遣

去歲以阿睦爾撒納未就獲故懷觀望如巴雅爾之類者旋復構亂因更命喀爾喀親王成衮扎布為定邊將

軍以今春統索倫察佇待奏膚功戡亂靖鄯善
哈爾等兵進討諸逆

氊廬

瓦茨庸詎稱行移惟有氊廬到處隨
卷合放開皆適可
今來昔往祇如斯紙窓日日披新畫
芸席行行就小詩
懸壁偶然試臨鏡異前覺有幾莖絲

暖

春入已逾月春氣益融盎
向南候遞暄風日復和朗漸
欲換輕裘相將揭行帳
叶人鮮冱寒怨馬盼新蕪長
戎云率是道鄧尉將全放
叶笑謂此何慮寧為觀梅往

題韓幹照夜白疊前韻

古稱照夜白馬裏泰山韓絲絡為誰老沙場豈慮寒駿
寧煩贈榮良識不迴鞍冀北羣原影由來伯樂難

過景州

曉春薄寒峭驛路惠風柔輕轡臨脩市前驅拍德州村
烟暗柳眼塔影矗城頭敢并民風驗燈棚節物耐羣黎
來不約一老湑無留

往歲過景州致仕尚書魏廷珍輒
迎道左頻賜以詩去春湑逝故及

之故舊淒然睠誰真仝美儔

劉智社

古社界燕齊舊名存劉智聞昔呂思誠令蓆稱循吏五
馬巡民間曾以行田至均徭勸樹畜彰善與農器吾黨
直在隱李氏感兄弟安得如斯人郡縣各一置歷久觀
厥成無為而自治

賜衍聖公孔昭煥

蹕路趨迎領一門詩書教澤泗洙源卿來處早予心往

大禮方行不欲煩

去歲親詣闕里釋奠故今歲不復往按例遣官致祭云

德州行宮示山東大小吏

未敢深宮自宴居省方展義每厘予按程移帳安猶便
擇向開軒費則虛一宿遷他賞何有萬民得所樂寧如
由來不說惟成事去秋巡撫愛必達於德州建行宮以
備南巡入東境首程宿頓將訖工乃
入奏因成事不說姑
仍之然朕所不取也此後無需慎戒諸

筆頭寫梅偶題

鐵榦橫斜影珠胎綻兩三東風披拂處花信遞江南

燕九日奉

皇太后觀燈火

燕值邱仙節燈陳禹氏墟火城張大野綵閣奉

安輿孔雀千屏展金蓮萬朵舒鸞車朝絳闕龍馬負丹

書勝賞真無數圖觀共樂胥兆民齊祝

壽壽指泰山如

燕九燈詞

青郊燈夕樂同民絞縛烟花德水濱故事可知傳燕九
地行仙本是齊人

烟中翔鳳鳴為管空裏飛魚色作金一曲昇平萬民慶
百年休息此林林

琉璃界道光明土轉法如來號寶燈鶴燄蜃膏輝玉樹
肖翹蠕動上金繩

翠圖明毳殊霍靡綾裝珠綴互飄蕭姮娥底事飛輪早
婪尾春繁是此宵

御製詩二集卷六十六

欽定四庫全書

集部

御製詩二集卷六十七

詳校官尚書臣德保

助教臣常循覆勘

總校官原任中允臣王燕緒

校對官中書臣朱圻

謄錄監生臣潘璣

欽定四庫全書

御製詩二集卷六十七

古今體九十八首

丁丑二

駐蹕德州行宮作

行春南去三千里問俗東來第一程
但得清塵儘表敬
宣期作室儼觀成
星橋銀樹焚燈燦
火棗金芝應節榮
入夜肩輿不呵禁
為田久矣此民情

再依

皇祖德州即事詩韻

去歲告功至紅旗又報初元戎墮詭計未讀六韜書

闕里茲弗臨遣

祭辦香肅翠早指江南早喜東風燠

賜山東巡撫鶴年

粵海旬宣久青齊治平聲撫掄嘉伊品聲聲為我牧元元

坐鎮青油幕扈隨紫氣軒驅馳何足貴善政勉徐源

王翬千巖萬壑圖即用其韻

日照層峯罨翠烟精神人在構圖前空林阿閣風旛靜
便是四禪天上天

麥二首

鳴鞭過禹城塍麥綠方萌經雪膏猶潤迎風浪未生宣
言避騰躡滿意入吟評野老脩春耒行將舉趾耕
春入年前早南來氣復暄芄烟新染翠茁隴密含溫農
務從頭起民依箇裏存兩岐寧上瑞普獲乃真恩

徒駭河

神禹治河乃寢神當時猶致人徒駭三千年後智非禹
問勝此任誰能解徒駭迤北馬津南其間大都九河在
相去乃至二百里同為逆河方入海今河不過數里餘
安得修防不日殆將欲棄地讓之水億萬生計嗟瓦解
即禹治今河應難是吾蒿目所以乃

降旨加賑去歲被水五州縣

去歲河北溢乃自無隄處填築失疎略遂有奪溜慮

至河

孫家集以北無隄黃河漫流所過汕刷成渠者水落後
一一填築以禦來歲汎漲上年河臣經理疎略致黃河

北流幾至奪溜亟命大臣堵塞而當河溢時上流
諸州縣積潦無可宣洩東省魚臺等處遂至成災
焚樾亟堵塞乃得歸故路積水則已多五郡當其劇尾閭苦
泥淤當春尚沮洳涸田正需時耕犁早云誤新正例施
惠加賑曾頒諭今來緣南巡民艱悉經度何妨一再加
蘇此惇獨庶嗟爾親民官推行體休助

晏城

彰君賜固服桓子執彼鞭猶慕史遷羸馬敝車一時耳
晏城千古屬斯賢

雪三首

正月二十日

東風拂幘車稷雪忽交加
沿路勢添密
依人飛故斜
連
滕藏綠毯大野捲銀沙
既慰還因慮
寧無凍麥芽

行營午駐驛六出尚漫漫
坐我氍毹暖
思人布帳單
收
來煮小鳳望去舞翔鸞
功德明當莅

方山靈巖寺寂高處曰功德頂

巖積素看

廣甸含膏潤
問知冬雪多得斯
誠益善惟是奉中和澤
被東南畝
花開頃刻科皇州
七百里霑否憶如何

玉水

玉水千秋護玉符，豐齊野井各爭隅。
清流漫歎無南史，紀載皆然獨此乎。

再依

皇祖南巡過濟南韻

清蹕重過歷下城，柳絲遲放麥芽生。
觀民未覺足衣食，敷政深慚措治平繩。

武勉思堂構肯祝

釐欣願海山盈靈巖聞道多奇秀佳氣遙看馬首橫

過濟南雜詩疊舊作韻

濟城重過又春辰老幼迎轡意宸親巡狩寧緣適一已
馳驅亦復厯多人

大清河復小清河欲悉民艱緩轡過祇有平陵不重到
恐防憶舊淚汎波

五歲神童亦自賢誰知深恨觸悲絃

濟南貢生張廷盟之孫永清五歲能

背誦樂善堂全集戊辰東巡時其祖携來迎駕命入行營
聖母中宮皆加賞賚而悼慧皇子喪甫逾月以

故孝賢皇后觸懷悲痛雖
天數使然亦情所不能已云
那堪嶽嶽將成冠鞠脰趨

迎蹕路邊

是日其祖復携迎駕問
已十四歲尚未入庠云

春雲又復暗遙天

辛未過此
亦逢雪

六出霏霏策騎前稍可歷

城不入望為予埋恨是輕烟

曉發峒山

雲封昨過藏松色

峒山上
多松

雪積今看續巘姿清致山程

逢不易却教回首立移時

雪後春朝生峭寒輕裘暖憶意遑安為他道左來黎庶

粗布衣猶纒絮單

連朝劇暖換棉裝一雪青郊頓作涼凡事如斯難逆料
鞠躬誰是昔南陽

春山迤邐度朝晴卓午還逢薄暖生旅况暄寒人自備
所欣連壠麥方萌

駐蹕方山

濟北名山駐玉符欣於始遇暢清娛梵宮高下羅諸岫
行殿樸渾別一區容膝已安謂多矣奇觀何限詎窮乎

潤州此去棲霞攬吉甫均標十道圖

靈巖寺

方山亦有靈巖寺吳下靈巖不獨靈立字安名由箇箇
今來古往鎮亭亭砌瓴塔尚干雲矗卓錫泉常注竇渟
希有佛曾出現地既云希有現何形

題靈巖寺八景

巢鶴巖

法定開山有鶴瑞羽衣皜皜駐雲峰至今月白風清夕

彷彿東坡夢所逢

甘露亭

泉疏甘露淙淙注亭子因仍甘露名用汲誰工註爰象
馬遷曾是歎王明

卓錫泉

泉臨卓錫一亭幽萬壑千巘景畢收
寂喜東南縹緲處
澄公常共朗公遊

摩頂松

高松西指為求經般若真詮泯色形假使虬枝解更向
定知糟粕是青寧

鐵袈裟

片鐵為衣狀水田滄桑幾閱鎮精堅誰云五葉一花止
試看伽犁萬古傳

白雲洞

靄靄英英相後先穿雲忽上白雲巔春郊方待一犁雨
便可為霖潤大田

雨花巖

峯枝澗葉未芬芳祇有天花撲鼻香
底事坐來都不著維摩室裏即斯床

愛山樓

縈青繚白相入聲氤氲無色聲
天大塊文著箇橫樓真恰

當四時佳氣與平分

靈巖寺西入石路用唐劉長卿韻二首

峯雪全皴柏蹊春未點
苔寒鐘雲表落濺瀑澗邊回遊

目無暇接悅心初度來佛原不礙古士亦得稱開境自
符秦闢松猶元奘栽石泉信清冽便可試茶杯

旛影標今揭碑痕戴古苔金繩重去聲輪奐貝葉鎮昭回

偶步長卿韻兼思太白來峰形皆內抱谷口獨西開石
路黃緣入春翹次第栽應真渡何代鷗鳥不驚杯

賜河南巡撫圖爾炳阿

連疆迎蹕路重穡問農田所幸歲非歉還欣雪被駢安
民惟擇吏樂後每憂先中土風猶樸斯宜正直宣

題方方壺山水

世上山川未此逢
方壺應寫自遊踪
雲間試問相招侶
祇有王韓與太容

過泰山再依

皇祖詩韻

方山一宿停清蹕
泰岱巖巖見舉頭
南指遙程春曉發
東來紫氣馬前浮
聖踪永古並崇嶽

愷澤於今在列州縱是瞠乎嗟莫及

覲揚敢不念深留

靈巖石路盤山趾齊甸春光動陌頭案衍遙從西峪度
龍寢不礙曉烟浮辦香寸意馳仙闕輿地孤標俯魯州
憂樂向來何處著思量結習豈應留

望岱廟寄題

泉林取路向西移敬仰

崇祠一念馳作鎮配

天首五嶽

廟中

區曰配

皇

祖御書
天作鎮

居方出震佑嘉師唐槐

漢柏應依舊秋月春風又幾時香帛太常依例遣

車駕
經山

東境禮官奏遣大臣賁香
帛告祭岱宗脩故事也

祈年惟是禱無私

暖

雪後昨生寒方慮麥芽凍連朝晴變暄暖氣陽烏送葶
甲正藉潤復陶可勿用舉趾喜農夫于役慰僕從協時
慎煥寒契理研錯綜

賜山東學政謝溶生

聖賢桑梓地俊秀鑑衡司勝任誠非易不鰥在有為遷
喬思已早刈楚念人遲士習民風倡勗哉法則持

陸治清秋放棹圖即用其韻

製得荷衣不礙涼傍林閒泛綠楓香舉頭不為看山色
愛看山腰素練光

渡汶河

三汶茲為大千秋帶魯郊原山溯源出濟水匯流交凍
解遲蒲刺波清下鷺抓方春生養候未擬網眾拋

填倉日二首

前章即景後章抒懷

春朝廿五客中過烟火千村入詠歌節以俗傳聊聽

去聲

俗義緣多稼豈辭多九州誠使倉箱足萬姓自然長幼和旋碩迎鑾總總輩盡資衣食計如何

屈指為朞十二過

慧賢皇貴妃以乙丑年是日薨逝

可堪回憶是耶歌

悲歡展轉都來幻歲月推遷積以多永巷羣維式儀則

中宮素復喜祥和三年又辭予去

孝賢皇后以戊辰三月崩于德州

舟次難向君平問若何

復雪三首

曉報濃陰幕遠巒雨緣春暖雪緣寒雖然膏澤無久別
恐釀嚴凝意未安

六出昨逢頗益麥千林今訝復裝梅設云入畫斯誠善
而我寧因看畫來

霏霏著地旋消融積處都無一寸蒙歷覽吾心方稍慰
午餘還放日輪紅

過泗水

輿梁飲練流清泗知是靈源負尾來阿那松陰石上好
旋當文火試茶杯

至泉林二首疊舊作韻

無多室宇薄而朴咫尺泉林秀且明芳勒杏花春未放
素皴杞樹雪初晴窻櫺好景隨心會壁額前題向客迎
民氣安和歲中上省方緣此一怡情

契辰昨歲雨餘至春孟今朝雪裡來宮是

仁皇曾駐憇輦扶

聖母喜趨陪西瞻

曲阜增顙爾南指江鄉已近哉不異前茲惟問夜軍書

籌畫為惶徊

去歲駐此已覺紅旗馳報倭虜為偽督令策楞等進兵終以路遠遷延坐失事機而

逆醜未獲懷首鼠者旋復猖獗故今歲更籌進兵致討耳

再題泉林行宮八景

近聖居

高齋樸斲適居安暎帶清流多激湍拈筆還思去藻句

新題近聖額簷端

在川處

石罅淙淙清且漣如斯不舍向長川名依夫子垂終古
理註魯論在目前

鏡瀾榭

石髮經冬碧轉深每來曲榭必憑臨開奩設以菱花擬
定是秦臺照膽金

橫雲館

曲抱迴廊鏡樣圓三間虛榭聳中天有時一片雲生彩
恰似廣寒霄漢懸

九曲約

溶溶春水漾蘭苔碧柱朱欄窄柳條合是武夷最深處
便當屨步躡虹橋

柳烟坡

新梯欲放曉寒輕低泮朝烟一縷橫今歲春來節令早
已憐舉眼盼清明

古蔭堂

古樹曾經蔭古人
今人對樹樹如新
由來樹不知今古
知者誠為未出塵

紅雨亭

一亭文杏四隣圍
寒勒花枝未染緋
却憶去年臨上巳
垂簾紅織雨霏霏

過蒙山

辛未巡江國路徑東蒙
東茲因駐泉林取道魯
附庸乃

在蒙羽陽顓臾考古封迴首望雲巖

府志蒙山頂有白雲巖

推婁

扶鬱蔥昇仙傳賀元躬稼憶承宮是時春雪霽半積半已融其陰積必多前況想像中山靈許藉問何以巧遇同

蒙陰積雪再依

皇祖詩韻二首

城過顓臾憶古封南巡為省織將農蒙陰雪復賡

前韻

大塊文章占素峯

平田融未麥根封為問農言不害農却續前遭景如舊
幾層積玉在堯峯

望蒙山雪色再成疊舊作韻

積雪蒙山又昔同行軒妙趣靜憑中蘇家詩愛尖吟軾
王氏畫看皴是蒙路指東南迎暖日首迴西北峭寒風
遐心憶到伊犁塞佇待王師早建功

賜江西巡撫胡寶瑤

疆連趨遠迓陛見忘纔迴

胡寶瑤上年來京陛見十二月方回任適奏摺云來迎駕

則已起身矣
故不復止之
何必拘當覲殊為多此來鄉原擅魚米令

莫恃風雷休養藏民富勤宣善輔裁

董源蒼嵐拄杖

隔林茅屋到嫌遲
屨步溪邊欲訪誰
借問手中筇竹杖
當年可是右軍遺

度祊河

鄭宛歸魯泰山祊
因以名河出大筐
清浚合流波益浩

萬松山
名如在水中央

鄴城覽古

季友初頒邑南遺乃築城庶幾僕文出不改井桓成

城中

有桓子井世傳蹟羊出也

無度卑公室有權擅上卿名言思史墨宜

慎器和名

萬松山小憩

衆山多濯濯一嶠獨蒼蒼想有靈祇護如看圖畫張清
齋梵宮側古籟午陰涼小憩登程去拈毫興已償

賜河東總河張師載

疏淪期嘉績修防董衆寮詎予惟使過勵汝尚更調

張師

載前任江南副總河以狗庇悞公與高斌同獲罪既念其人素謹朴復加錄用茲命代白鍾山為河東總河俾自得改絃法在遵潘馴文寧藉鮑昭魚臺全涸未舉趾待

春朝

王右軍故里

渡江王氏挈宗隨遺得書臺與筆池佳話千秋率如此
荒榛難辨跡然疑

孝子里

故里相隣孝感河猶傳躍鯉出凌波一斑已自足千古
更佩虔刀意若何

度沂水

歸壑輸淮泗遙源帶魯齊跨川橋影直隔岬柳烟低沙
渚纔浮漲春流尚挾澌馬陵隔清沭古諺豈無稽

訪云
沂沭

不相
見

題管道昇蘭竹

飄蕭幽谷香相將日暮倚設非箇中人問誰解圖此

正月晦日作

今年正月又臨晦九十春光已度三未覺芳菲鋪路首

却欣風物報江南憶梅水部真稱絕

沂州境內有
何遜憶梅亭

選句

考功早獨堪

用唐景龍
評詩事

斥鹵民艱應細諗百家村畔每

停驂

賜原任大學士史貽直

歸林緣舐犢辭閣匪思鱸能改無過矣知仁何礙乎迎
鑾方出戶資政挈同途風度猶然在江山秀助腴

高克恭山水

山色將雲態若無若有中神傳吳白下津逮米南宮低
樹村連暗迴蹊路轉通卜居定誰氏彷彿是韓終

二月朔日入江南境六韻

仲月日臨吉江南境入徐觀民因露冕策馬每辭輿欣
看尊親意還頒寬大書游灾常厯爾加賑莫稱予尚恐
向隅者未沾霈澤餘咨良二千石文視可銘諸

再依

皇祖示江南大小諸吏韻

國本重惟民反裘譬負輶有來長民官聽予一言剖嗟
此澤國區災沴流行久蠲賑惠縱施未覺蘓黔首溝壑
有向隅奚稱民父母邇來雖轉旋餘糧寧棲畝省方為
觀民已隔六載後與我共治者豈非賢太守須知足衣
食始可言孝友設教法

放勲色養奉

慈壽五言示予志勗哉慎毋負

霧八韻

靄靄布層霄
濛濛羃遠椒
寧徒稱十里
却是遇連朝
江浙景云近
瀟湘畫若描
綿鋪宿麥縷
珠綴嫩楊條
藏處迷山寺
度來封野橋
衣如裝弱毳
帽訝惜豐貂
乍可因風散
旋省見晁消
貪程行忽到
還喜不知遙

王寵高樹虛亭

識得吳中派
愛看雲外皴
問他虛四柱
所待是何人

賜江南總督尹繼善

幕府山邊開幕府風規得似茂弘無保釐務佈兆民福
清蹕寧求一已娛靜析久曾歷數省建牙今復鎮全吳
吏民相習休云易勗爾思艱莫漫圖

麥苗

露浮全帶潤壠覆欲生香可識南邦暖較於魯甸長徒
觀浪猶靜尚覺雉難藏邳宿經災後冀茲接夏糧

度永濟橋作歌

長橋接岬亘遷迤留孔多緣瀉潦水上承駱馬下六塘

節宣見為濟運起有司除道欲就夷運度河灘橋仰視
漲痕幾欲與橋平是今所行乃河裏溝澮可盈河詎可
知艱慚無治法爾石砥中復多斷缺問因去年浪所毀
何不亟修云有待迴鑾次第方經理往來通衢賴此存
夏霖轉瞬其何恃發帑鳩工勿再延永言顛末識所以

復降旨加賑江南被災州縣詩以示總督尹繼善
及地方大小諸吏

新正寬大詔蠲欠江浙暨翠華昨發輟加賑已次第茲

入江南境宿桃目所擊叶百家鮮積糧麥苗猶在地夏

收云尚遙是宜善安置吾民藍縷多嗟此飢寒輩洊灾

乃若斯應慙誰所致養老及賙貧雖日頒緹騎命親隨侍衛等

齋養老牌以賜高年其貧窘者則給以白金尚念溝壑惻匍匐或艱至已加

寧再加茆簷庶均逮以及安慶屬一例俾霑賜既毋事
催科其善勤撫字漏卮何處無莫使侵胥吏

隄上漫成四首

避濶因為隄上行不妨百里略紆程

辛未取直修路至直隸廠而雨後多

泥濘從人苦之今歲乃從運隄雖多行僕人莫謂仍前
及百里而舊隄無事多修且避濘云

近豫立應知幸遇晴

捷焚隄上積崇墉意外云當備急工帑項歲支應用此
未經見處可能同

夾束雙隄中運河秋霖隄外尚濘波黃流咫尺臨西岨
盛額修防竟若何

有隄未若無隄好既有安能復使無大禹為臣君是舜
想當束手況云吾

草色

草色南來日見添
綠含生意入輿幘
平平鋪毯烟低縷
灩灩擎珠露在尖
隄外每教遲白舫
陌頭還看暎青帘
當春細物均知樂
嗟我灾民未引恬

運河

公猶經古縣
蜜口溯新灣
隄上看流注
雲邊辨往還
舳舻期用涉
名利孰長閒
憂隱黃淤後
淪䟽策正艱
黃河扶沙

以行流急則藉以刷沙上年孫家集漫溢幾致奪溜而毛城舖旁洩者不早為築塞經流既緩沙積河淤為憂

甚大特命督撫河臣亟
議節宣之榮會同經理

命總河白鍾山巡撫高晉同往會商疏濬荆山橋

堵築毛城鋪等工詩以示志

去秋河為灾乃在孫家集漫渠未填築遂致洪波吸亟
命事修防亦得成功立其如已洩波往往淤泥積荆山
橋下川較昔高數尺微山乃倒漾沛魚今在澤黍恐不
能種而況冀收麥疏濬莫惜費此實目所急同時毛城
鋪分流減來脉治標出無柰堤成應即塞而何值邂逅

河臣數經易因循置度外廬鳳復遭厄二患均要務展
轉增反側瀉者塞其流渟者疏其偪往哉相和衷宣防
勉奏績詎可惜一勞未敢期永逸但望夏田耕稍救民
殘息斯則宣力多豈在日扈蹕

柳三首

青青搖曳大隄邊遠帶輕帆近冒烟春色南來排日報
幾絲恰拂玉絲鞭

河官種柳有常程材備修防意本精却與長隄添畫趣

新條覆畝綠縱橫

搖金靄靄宰新蕪不繫風情冶且都比似皇州先一月
北南景氣驗差殊

閱中河

源遠復流長因清資刷黃

濤謨千載頌

聖澤萬年慶

康熙年間移運口於楊庄是為中河
聖祖親臨指示所開為萬世利賴云

永

利風帆旅常輸天庾糧平成期善守未敢事更張

楊莊牖恭依

皇祖詩韻

江國重巡六載餘翠華迤邐度彭徐河工此地多衝要
堤堰修防慎莫踈

巡春晴旭颺鞭絲敬仰

奎章漏點移底績繩

猷任胥重其難惟有寸心知

御製詩二集卷六十七

欽定四庫全書

御製詩二集卷六十八

古今體九十五首

丁丑三

渡黃河

地天中氣象明昭翠艚中流盪畫橈竹箭桃花觀浩勢
風恬浪靜渡春朝旰宵未得平成術遊豫常懷角徵招
敬守

鴻模慎多事六巡疏淪仰

神堯

惠濟祠

瑞氣扶輿鳳閣栽金隄千載鎮洪河黃流清滙安瀾慶
楚舫吳艘利涉歌百越鄉寧拘地遠

六宗功著濟人多

相傳天妃
為閩越人也

綵舟穩渡

慈顏豫

神貺欣叨默護呵

閱河恭依

皇祖詩韻

繼

武惟殷日屏營

治河無事禹同行脩防慎選期俾人不用材能用老成

賜總河白鍾山

司河稱最久自是悉防脩慎莫幸無事勉惟建遠謀況

經益新淤

上年河決孫家集致荆山橋淤淺上游積水入春未涸恐妨耕作亟命疏導

此實

厓深憂勗爾平成績紓予宵旰籌

賜副總河嵇璜

淮黃近多事簡畀冀堪勝習矣吾知夙僉惟汝尚能母

儀迎養便父訓熟聞曾

嵇璜昔隨父大學士曾筠南河任習知河務近年以母老請假

侍奉淮常一水迎養亦便佇俟成功奏憂心日所憑

恭依

皇祖閱河堤詩韻

重穡力溝洫還淳卑室宮幾曾圖

已逸惟是厯民窮繼述一心切

精神百禩通即今存

御壩清晏永歌功

洪澤湖再依

皇祖詩韻

事在人為語豈虛崇堤脩築敢遲徐

事在癸酉年

重來細閱

工堅否詎為春波看打魚

安福艫

黃流穩渡靜陽侯初駐江南綵畫舟為問民艱將吏治

歷經越角與吳勾波聲鷁首調銀瑟月影蓬窓漾玉鈎
寂喜夜深饒野趣檣燈幾點映前洲

清江浦

清江流是導淮清禹蹟而今久變更
祭戟建牙期底績

總河衙門建此

衡閭比櫛願咸亨漕艘北上斯千庾
水驛南來第一程
路轉川迴宜望遠
樹頭瞥見片帆輕

過淮安城

石隄駐舸榮龍驤
紆路觀風六里強
入北門還出西郭

漢淮陰是晉山陽羣情愛戴今猶切前歲飢寒刻豈忘
無易由言元氣復轉旋額手為民慶

閱淮安石隄詩以紀事

射陽古澤國諸水滙入海自從黃奪淮其危乃更倍南
北咽喉扼城郭不可改初猶患黃灌閭閻無寧載

皇祖排淪之六巡勞櫓橈乃得清暢流何必安東委

前明

議河者患黃強淮弱竟有欲委
安東以拯全淮者其說實謬治河謝未能繩

武厯實每辛未載經斯安又仰

遺楷惟是堤埒城土自較石殆發帑命更築今來工早
罷田廬資保固蒼赤庶樂愷永言識其詳癸酉事心駭

淮城西北舊皆土隄辛未南巡過淮命建
石工癸酉河淮並漲淮城頗得石隄之利

夜雨二首

二月初七日

朝霧旋成風風罷夜為雨氣候北南殊重來畧知緒舡
窓聲點滴衾枕寒爾許河北昨曾經麥田澤方好此雨
設遍霑可以慰農父

二月雨霏絲到處應益農南易北艱致風氣屬不同易

者虞其過難者難其逢
浙瀝聽深夜嘹唳度數鴻
因更憶燕齊春膏賴化工

曉發平橋三首

夜雨連纖聽打舡
曉來猶未泮絲烟
今朝百里程應趁
解纜催行下水川

十里剛過亦放晴
覲光黎庶夾河迎
曾何解澤蘇閭闔
慙愧同聲感戴誠

白馬湖連寶應湖
際天一碧望邊無
春猶如此況逢夏

蒿目終艱善治模

榮馬過寶應縣

閭閻坐露冕猶覺隔河遙
傍岸泊蘭楫觀民揚玉鑣
人

烟依舊庶災疫以時消

去歲江南經災後疫氣復盛行至秋方解

籲禱吾雖

久還因

天眷邀

襍言

浪流向南風吹指北舟
設南行於浪為順於風為逆風

吹指北浪流向南舟設北行逆浪施槳順風揚帆風浪
一合不湏更酌順逆行舟苦者太苦樂者太樂風水無
心人則有營無已行舟樂則怡怡苦則怵怵以葉擲空
隨風北往及其墮水乘浪南漾事鮮兩全遇忌太美誰
能達斯可與言理

即事

南關五里及車邏建牖原虞異漲多不免下河猶被潦
脩防調劑竟如何

去年數壩未過水澤國因之幸告豐黃弱全淮出清口
却教嫁禍宿靈虹

偶寫梅英并題以句

舡窓恰見一枝梅斷岸橫斜幾朵開便拂宣牋為寫照
香風鄧尉遠吹來

文遊臺

周覽城闔每繫舟緩催珠勒度秦郵郊東尚有高臺見
宋代聞因雅會留何必當時嗟祿薄却教終古美文遊

龍眠結搆應多事試問今還藉畫不

露筋祠

蚋嘅何能致命戕撲緣露處

上聲

亦何妨訛傳自是因彰

善寶錄芳踪惜失唐

揚州府誌稱唐時露筋烈女亦謂安貧守節而已俗乃訛為蚊蚋所

啣露筋而殞蓋屬附會云

車邏壩

邗溝納衆水分流入江海唐宋始起隄興廢亦時改自
此事益紛鮮安率多殆黃奪淮之後其危斯更倍堰牖

日以高田廬釜底在疏濬豈易言尾大屢中罷或有慮

下河堅閉志弗悔下河曾小益逢年歌樂愜

河臣高斌增築天然

壩障洪湖東流運河東隄車邏等壩得以堅閉下河州縣連歲豐稔後遇湖河盛漲狃於成見啟放失時遂致

潰癸酉秋為霖持前議不懈叶豈知偶幸耳決癰乃大

潰叶蠲賑縱亟救接踵災乙亥嗟我惻獨民蕩析心驚

駭旋為停南巡蘇民飭邑宰今來問民瘼春流靜浼浼耕作羣趁時遙遙三秋待莫川無良謀吾慙所以乃

邵伯湖

東艾陵西白南北新甓四湖通謝傳遺休擬召公我適乘

舟經澤國脩防宣蓄慮何窮

疊舊作韻賜沈德潛

前席何曾隔六春

辛未至今凡六年矣

三千里不間疎親星垣帝

友豈無友吳下詩人尚有人咨度癘情期達隱評量句
義欲肱陳步趨望九雖稱健靈壽聽教手握筠

香阜寺

鎮過東山蔽芾棠畫艫卓午泊維揚裝嚴靈鷲標臺麓

又名小五臺起伏來龍入蜀岡古佛叅來雖似悟萬民視處

祇如傷新河十里羣商濬敬上調貧聽豈妨

從香阜寺易輕舟由

新河直抵天寧寺行宮乃羣商新開既表敬公之心且去歲藉此以工代賑頗益貧民故聽之

天寧寺

天寧門外天寧寺最古花宮冠廣陵指月禪枝閱百代

度經阿閣聳三層親民乍為

去聲

思蘇軾傳法何須問慧

能我自多憂非獨樂豈能香界鎮吟憑

天寧寺行宮作

行館招提右韶春駐翠華所欣無藻績頗足賞清嘉絲
柳纔舒葉玉梅已放花謝家風雅近率欲罷吟叉

雨中遊平山堂

麥穎新抽正資澤梅英乍濯雅宜遊可教古寺徒吟謝
遂使平山不問歐隄柳垂垂度烟重蓬筠淦淦入寒浮
微嫌絲管饒繁會咫尺林泉負冥搜

寄題二十四橋

如帶如虹廿四牖千秋名勝擅江都或存或廢今分古

移汝移揚歐與蘇畫意詩情景無盡春風秋月趣常殊
每因想像聊成句歷覽何曾蹕為紆

蓮性寺

一朵花宮結淨因周環綠水漾波新歌臺畫舫何妨鬧
恰是亭亭不受塵

觀音山

右拱平山嶠遐臨廿四橋古原詠文士今半屬禪寮法
雨鏡中落天花雲外飄憑窓猶暢意綠野潤新苗

平山堂

西寺西頭松竹深
歐陽舊蹟試遊尋
江南山色秀無盡

二月韶光美不禁
四字簷端垂

聖藻

康熙四十四年
賜賢守清風額

千秋座右揭官箴
春巡處處

前徽仰到此尤厪
籲俊心

第五泉

有冽蜀岡上
春來玉乳新
可識品泉者
非關姓陸人

張又

新品此
為第五

慧因寺

竺蘭結宇綠川濱
棹返平山一問津
禪衲已知因是慧
試言慧復是何因

塔灣行宮恭依

皇祖詩韻

廣陵風物久繁華
下下翻堪樹五麻
可識古今不同俗
由來中外莫非家
沿隄弱柳搖金縷
暎砌芳梅綴玉花
樸斲總存

昔年制

奎章曾是戒紛奢

高旻寺

河干啟梵域塔影矗高旻
兩字騰鴻號千秋煥寶文

寺名

康熙四十二年所賜

莊嚴開象設清淨悅聲聞頂禮祝

慈壽都梁颺瑞芬

自高旻寺行宮再遊平山堂即景雜詠六首

前朝烟棹寧耽玩供帳因他率已陳
自是晴明山色好

重教遊騎榮高旻

富庶從來說廣陵滿城絲管暎街燈唐風擬令崇淳約

謀食貧人慮失憑

商人習為侈靡其技巧役之貧民藉以餬口者甚衆亦損有餘補不足之

道若令如唐魏儉嗇則土著益艱於謀食故不之禁

春風行館憇天寧早見平山黛色青便進湖舡漾新碧
且看夾岸畫為屏

一株綠柳一紅欄絲緯沿隄引木蘭小令還輸蘇氏軾

蘇軾有三過平山堂下小詞

東山未擬謝家安

潤含新麥綠，滕寬恰是淮南第一觀。
試想風流賢太守，詎因歌舞助清歡。

蜀岡遊罷催歸轡，畫鷁原遲十里餘。

是日自高旻行宮榮馬度郡城至天寧行宮易湖船

歸亦仍之以馬便于船且百姓得以近光也

船馬北南殊所習，始知古語信非虛。

塔灣行宮恭依

皇祖示江南吏韻

豫遊傳夏諺，巡狩載虞經。
政典闕休助

化工贊毒亭，韶春方駘蕩。
品物早流形，宣澤惟良吏。
毋

孤清蹕停

聞京師二月初七日得雨誌喜

舡窓夜雨霏

亦二月初七日

澤國春應爾曉晴旋作風其霑寸

餘矣燕齊千里外及否寸心揣更思北方寒雨亦雪而
已維揚乃大沛切幸或逢此逾六日郵傳知被甘膏美
四寸潤麥田優渥反勝是麥固冀登俎黍亦堪興耜何
處不劬農敬為吾民喜

自瓜洲放舟至金山

觀民展義狩南邦
瓜步平明掛錦箋
柳綠桃紅春兩岸

風和浪細昔長江

辛未渡此亦無風浪

樓臺四面雲峯矗
簫鼓中

流水調撥西望鳳舟

王母降問

安歡喜詣瑤窓

金山寺恭依

皇祖詩韻

從來佳境屬禪和
佛印其人亦豈多

養志延禧遵

昔躅江山介壽慶如何

登金山塔頂疊舊作韻

定光塔據翠峯尖登眺崇情暢六無百尺凌雲賢剏固
千年入影浩波恬東西源委因心會南北風光舉目添
石火春秋纔瞥眼今來饒是韻重拈

金山疊舊作韻

瓜步隄楊已宰青放舟江勢攬全形好春如繪迎春馭

福地無雙擅地靈
蘿壁峭中尋昔句
松軒勝處得今停
雖然歷歷成今昔
不可分疏理亦冥

江流山峙千秋境
柳暗花明二月天
煮茗就泉思陸氏
攜辭即景許髯仙
豈能適已真無暇
每為康民願有年
一帶吳根將越角
惠鮮勤體蹕途連

江月

烟花玉魄將滿輪
邂逅江閣清無塵
光射海門接近觀
氣連岷山溯遠津
初騰金蛇漾曲渚
乍懸寶鏡涵輕淪

如見古桂斫吳斧復疑明珠呈鮫巾離奇變幻莫可狀
溶溶淦淦都入神此時此景恰逢我裴公先我千餘春
遊金山寺再疊蘇軾韻

冊府常披輿地圖西極江源東竟海中流銀髮能許長
氏父乃如黍米在獲金名易裴頭陀祇園高下臨澄波
自茲勝蹟擅吳下騷人禪客遊恒多南國重來命巡楫
風恬浪靜韶春日佳境畢景不能窮琳宮梵宇層樓赤
石簪萬劫埋仙魄

金山前島世
傳郭璞墓

髯翁吟際髯應黑今來

古往熾然明不遷者存底用驚福地只宜泯六識山色
江聲定何物印公留帶可鎮山當時公案足警言頑蘇公
不言言未已試看衮衮東流水

自金山放船至焦山再疊蘇軾韻

江赴海意虎視眈自來天塹限北南湔氐遙源達溟渤
至此餘十之二三方壺員嶠誰則到徒稱火棗將冰蚕
咫尺仙山一帆力不遊可懷日後慙石薄峭拔潮影退
俯欄可以窺深潭便命黃頭發青雀江天春物方清酣

忽懷玉局曾遊目中江長老談鄉談

見東坡詩

豪吟靜悟兩

寥寂祇饒松竹籠虛龕山蔬可以為清供豈必燒豬方
覺甘紙帳困眠明便去金山畱帶還嫌貪片時攬勝兼
望古幽情暢矣歸云堪剪波頃刻濟北固巖端更問蕭
公庵

三詔洞

三詔抗懷却千秋潛德光董經曾不顧滕六詎能殃隱
也真仙耳山高江水長至今洞口石尚是煮餘糧

遊焦山

我昔金焦互量比曾云在此不在彼昨來浮玉凭朱欄
又覺人間鮮並美東瞻島嶼藐拳石蓬萊有無只虛擬
順流揚帆忽至之宛憶前評不差耳如來轉境故稱佛
被境轉者衆生是慧禪寺禮調御夫焦先祠緬隱逸士
鬱蔥樹色扶奇峯倒影盡在江天裏豚入息風銀月澄
龍出聽講黑雲起到斯雅合諸慮靜我則萬幾將誰委
江山不改心亦然返棹吾將勤政理

甘露寺

江干跋玉馬雲表謁祇園不見蕭公鑊聊叅能祖旂四

雄蹟已泯

見蘇東坡詩

六代地猶存獨愛司勳句因之憩北

軒

甘露寺北軒用杜牧韻

精藍禮罷試閑行北首疏軒最暢情座俯長江拖玉練
窓含清籟颯桃笙地傳晉代還梁代鐘是唐聲抑宋聲
故蹟千秋率如此司勳饒得占詩名

過鎮江府城

焦山穩度紫霞舟十里鳴鞭過潤州
秀麗江山窮睇眄喧闐老幼厯咨諏
萬民爾滿瞻依願一意予勤富教謀
前歲灾荒昨歲熟既為慶慰亦為愁

練湖

曲阿後湖古所聞波光如練漪漣漣
中郎品鑒得神韻光祿摘藻多清芬
七十二流皆滙此築隄之後事紛矣
濟運利田胥賴之閘礎修置寧聽毀
停艫試望有所思

豈容易言制復始

花朝放歌

北地花朝花未開吟詩惟以寄清懷
南國花朝花已放漾舟觸目饒新賞
未開盼開趣有餘已放惜放翻躊躇
世間萬事率如斯旁觀生羨當局迷
柔紅嫩紫爾莫喜已有紛紛付流水

潤州道中雜詠

鑄劍坑

擊橐當年鑄劍坑
純鈎造出值傾城
越顛吳躡胥何在
石屋空傳歐冶名

京峴山

鑿京峴命赭衣徒
名象雖存蹟久蕪
未及臨洮東屬海
長城築罷竟亡胡

讀書臺

避跡江湖權遠禍
讀書千載有臺垂
虎賁曾動中郎慕
親切寧知未若斯

千里湖

洛下猶思千里吳，士衡風度與人殊。
萼羹從未下鹽豉，王濟何須稱酪奴。

石墨池

長房學道書符處，滌硯靈貽石墨池。
蹟擬右軍偏覺勝，至今池水驗猶奇。

華陽館

雙牛畫罷去飄然，不鍊還丹亦上仙。
試看橋東銀杏在。

綠陰豈復異當年

紫府觀

福地稱居四十九青童馬蹟至今垂
洞庭已自毛萇返
知達華陽又阿誰

招隱寺

義李曾聞舍戴顓竹林精舍久成空
磨筭咫尺隣黃鵠
巾幘何妨有父風

登城霞閣二首

董其昌題俗
名三義閣

攬轡丹陽縣觀風度巷衢每因咨米價惟是墮民劬閭

綺重登級城霞向入圖

過縣城乃登閣小憩

遺風仰三義勝概攬

全吳後樂先憂意同聲衆口呼轉旋賴洪造元氣幸差蘓

層甍控川口來往實通衢尸祝今猶盛三分昔已劬牛
黃叶佳識龍卧贊良圖北伐應先魏東連暫緩吳何當
禪弗肯若可董聞呼蔚起赤城色題簷筆是蘓

清明

清明最喜是晴明
韶秀毘陵緩轡行
紅杏都含宿雨潤
綠楊不動曉風輕
紙鳶竹馬兒童戲
鳩杖鶯衣父老迎
水市吹簫那成曲
人家遙識賣新餠

過常州府城八韻

傍堤維鳳舸
紆路策龍駒
問俗闌闌度
覲光老幼趨
舟車引百越
襟帶控三吳
泰伯高風在
賀公嘉政臚
人文日寢盛
食服衆滋腴
故是昇平象
寧無水旱虞
即今雖小補
憶昔未全蘇
咨爾牧民者
引恬莫怠圖

跋馬過常州至艤舟亭進舟遂成是首

風流蘓髯仙遙年此繫艇遺蹟至今傳以人不以境流
為佛氏宇松竹頗幽靜印公舊深契玉帶留堪省南來
緣觀民詎為賞烟景敞榭及孤亭點綴備臨幸玉局強
項人想未必首肯山僧不解禪念佛持清警云昔曾執
戈放下屠刀猛寺僧自云前於陝西勇健營從軍乘艫就前途回望崇
情永坡留我則往不繫閒雲影

麋城

吳王豢獸處麋城名以留豈識胥臺上終教鹿豕遊

題錢維城畫蘇軾艤舟亭圖

玉局信風流
溪亭佳話留
至今石岍側
往往駐行舟
文筆傳高躅
家鄉事道真
停橈親印證
圖外得其神
一例野亭子
因蘓千載新
豈知元祐際
大有畏稱人
岸柳金搖曳
春波玉拍浮
吳門知不遠
更有仰蘓樓

射

澤國塗泥艱射堦
晴明是處得平陵
和門適可觀羣藝

破的休誇擅獨能敢以昇平弛武備詎忘弓矢是
家承不矜已亦課人職慎酌權衡在勸懲

黃埠墩

洲埠無陸路四面圍清波不知蹟貽誰空傳天闕羅却
與繖墩近否則黃城訛徒愛結構佳往來率一過艤舟
趁晴明登閣聊延俄梁溪溯遠練慧山濯翠螺忽憶李
青蓮客中此豪哦美酒鬱金香玉椀朱顏酡滄桑幾變
更逸韻終不磨

賜蘓州巡撫愛必達

青齊障宿保吳下節新移民隱芻蕘達官方砥礪期允
當知有要寧止貴無私此地灾傷後惠鮮莫漫遲

賜江蘓學政李因培

學校程材地江蘓大雅邦元龜要清正藻鑑辨淳厯莫
負風簷昔為求瓊樹雙菁莪勤樂育濟濟引鴻龐

先賢周惇頤後嗣持小像求祠名允其請並題以
句

錫麓祀先賢孫支世守旃開程朱道學繼孔孟心傳水
碧山青處松篁竹秀邊千秋光霽在底復藉龍眠

遊寄暢園題句

烟溪又復泛梁鴻路側名園曲折通新景林嵐六塵表
昔遊歲月寸心中清泉白石自仙境玉竹冰梅總化工
小憇便當移蹕去一聲定磬下花宮

介如峰

寄暢園中一峯亭亭獨立舊名美人石以其弗稱

因易之而系以詩

一峯卓立殊昂藏恰有古檜森其旁視之頗具丈夫氣
誰歟號以巾幗行設云妙喻方子美徒觀更匪修竹倚
亭亭戍削則不無姍姍閭易非所擬率與易名曰介如
長言不足因成圖正言辨物得竭攬惠麓梁溪永靜娛
寄暢園疊舊作韻

雙河舟溯慧溪灣雅愛秦園林壑閒月鏡光涵窻漱漱
雲紳聲落澗潺潺清幽已擅毘陵境規寫曾教萬壽山

一沼一亭皆曲肖古柯終覺勝其間

惠山寺

九隴重尋惠山寺梁溪遐憶大同年可知色相非常住
惟有林泉鎮自然所喜青春方入畫底勞白足試叅禪
聽松菴靜竹鑪潔便與烹雲池汲圓

府志惠山寺第二泉上有方圓二池

圓者
寂佳

題惠泉山房

昔來遊惠泉聽松試竹鑪八角石欄干明汲轉轆轤茶

香滌塵慮泉脉即此夫重臨探靈源乃知別一區石梯
拾級登高下置精廬瀟灑綠琅玕峭蒨青芙蓉山茶及
水仙放香妍且都西北有空洞洞前方塘虛淙淙出甘
源苓朮石髓腴對之坐逾時笑我前遭徒境亦不可窮
奇亦難悉臚名泉自千古豈藉羶薌吾

詠惠泉

水洞不可測發源惠麓東精藍據左側德水揚宗風鑿
為方圓池雖二實相通方劣圓者甘其理殊難窮池上

漪瀾堂舊蹟傳坡翁境屯心則泰高風想像中

聽松菴竹鑪煎茶疊舊作韻

布惠行時擬漏泉未蘓元氣我心煎老扶幼挈雖如昔
室飽家溫究遜前長吏勗哉其善體山僧饒爾鎮高眠
閒庵小試筠鑪火消渴安能澤被全

第一吾曾品玉泉篋編鼎每就泉煎到斯那得忘數典
於此何妨偶討前從諗茶存誰解喫宗蒼圖補竟長眠
了知一切有為法泡影空花若久全

惠泉上作

向予拊石欄遙企雲中脉
今來探乳穴牝湫注靈澤
春繪萬物昌月印千秋碧
得源趣益佳摘藻聊補昔

汲惠泉烹竹鑪歌疊舊作韻

法雲惠山寺名初地悅聲聞
有學無學誰為分
調御丈夫獨

出類天上天下莫與羣
天龍現泉供澡浴淨洗萬劫空
根塵苓香石髓鎮福地
離垢入淨傳經文
我與如來宛
相識辦香頂禮梅檀芬
相好豈有今昔異
俯仰亦不稱

跡陳苾芻却慣舉公案未忘者箇情猶敦聽松軒分明
熟路松枝落地堪為新竹鼎燃火戒過烈淨物受寂不受
紛須臾顧渚沸可淪乃悟速不如遲云玉泉山房頗倣
效以彼近恒此遠權叶乃今此主彼更客有為如幻真
誰存入畫九龍山亘古當春第二泉淙新漪瀾舊堂懸
睿藻千秋

聖跡傳奇珍千秋


聖跡傳奇珍繼述勗哉予一人

遊錫山

惠東特出一峯青有錫名山無錫寧

諺云有錫爭無烟
錫寧因以名縣

水平吞太湖秀林巖近接九龍靈
春前老柏不爭色風裡幽蘭解送馨
蘿逕雲扉故相識得教精舍小延停



御製詩二集卷六十八